



Inatsisartunut ilaasortat Siverth K. Heilmann aamma Knud Kristiansen, ATASSUT
MAANI

**Aatsitassarsiorfinni sulisussat pillugit § 37 naapertorlugu Naalakkersuisunut
apeqqummut nr. 2012-079-imut akissuteqaat.**

27. marts 2012
Sagsnr. 2012-060499
Dok. Nr.

Inatsisartut suleriaasianni § 37 imm. 1 naapertorlugu Naalakkersuisunut Nalunaq pillugu
apeqquteqarputit.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Tunngavilersuut:

Naalakkersuinikkut tamatta pingaartilluinnarparput nunatsinni aalisarnermi
inuutissarsiutitta sulii pingaarnersaasup tapertassaanik, nunami suliffissarpassuarnik
pilersitsiniarnermi suliniarnerup iluatsittumik tamavitta suleqataanissarput.

Nunatsinni amerlanerussuteqarluartut namminiilivinnissamut akuersaareerput
taamaattumik assaat sulisinnaasut tamaviisa pisariaqartittussaavagut, taamaattumillu
suleraqqinnissatsinni ATASSUT-miit soqutigilluinnarparput, qulaani apeqqutigut
Naalakkersuisuniit akissuteqarnissaat.

**Aatsitassarsiorfinni sulisussat Gommon Core-mut pikkorissaqqaartarnissaanut
piumasaqaateqarneq qanoq ingerlava. Ilisimaneqarpoq soqutigineqarluartoq
aatsitassarsiorfinni sulisinnaaneq, taamaattumik soqutiginarpoq paasissallugu
uku:**

Akissut:

Aatsitassarsiorfinni sulilertartussat Common Core-mik naammassinnissimassasut
piumasaqaataangilaq. Soorunami atorfik suliffigiligassaat apeqqutaasussaavoq. Tassunga
atatillugu oqaatigineqassaaq Common Core-mik pikkorissarnerit aamma entreprenørit
suliassaqarfianni atorpeqarsinnaammata.

Common Core tassaavoq inunnut aatsitassarsiorluni misissuinerup piiaanerullu iluani
suliffissarsiorlunut tunngaviusumik pikkorissaaneq. Pikkorissaaneq sapaatit akunnerinik
qulinik sivissuseqarpoq aammalu ilaatigut qulequttat ilaatinneqarput soorlu:

- Ikiueqqaarnissaq
- Nunarsuup sanna
- Ikuallatsaaliuineq aamma akuutissat ikuallajasut
- Isumannaallisaarnermut atorlut aamma isumannaallisaarnermut suleraatsit
- Maskiinaniq ilinniartitsineq aamma maskiinani isumannaallisaaneq
- Qaartiterinermik ilinniartitsineq aamma qaartiterinermi isumannaallisaaneq

- Aaqqissuussaaneq aamma attaveqaqatigiinneq
- Inatsisit, peqqussutit aamma maleruagassat

Pikkorissartut Common Core-mi angusereernermik kingorna pikkorissarnernut ingerlaqqiffiusunut pikkorissarnissamut periarfissaqarput, soorlu Qillerummit qaqitassanik qillerinernik pikkorissarneq, Maskiinanik aquttutut pikkorissarneq aamma Qaartiterinermik pikkorissarneq.

Qassit ilinniarusullutik ulloq manna tikillugu qinnuteqarsimappat?

Akissut:

Apeqqutip tullianut akissuteqaat takuuk

Qinnuteqartuni qassit pikkorissarnermut/ilinniarnermut tigusaasimappat qassillu taakkunani naammassisimappat?

Akissut:

Matuma kinguliani 2008-imi pikkorissaanerit pilersinneqarneranniilli qassit qinnuteqarsimanersut, tiguneqarsimanersut aammalu naammassinissimanersut allassimavoq. Common Core (Hold 11) suli naammassineqanngilaq, taamaattumik qassit naammassinissimanersut pillugu kisitsisit suli ilisimaneqanngillat.

Taaguutaa	Ukioq	Qinnuteqartut	Tiguneqartut	Naammassisut
Common Core (Hold 1)	2008	20	20	18
Common Core (Hold 2)	2009	36	23	15
Common Core (Hold 3)	2009	20	20	16
Common Core (Hold 4)	2009	13	13	13
Common Core (Hold 5)	2010	20	20	17
Common Core (Hold 6)	2010	16	16	11
Common Core (Hold 7)	2011	30	20	16
Common Core (Hold 8)	2011	49	19	16
Common Core (Hold 9)	2011	20	20	20
Common Core (Hold 10)	2011	32	20	17
Common Core (Hold 11)	2012	44	19	
Katillugit		300	210	159

Naalackersuisut pingaartippaat nunaqavissut sulisinnaasut sulisorineqarnissaat, taamaattumik paaserusunnarpoq Naalackersuisut naammaginaat ilinniarnert/pikkorissarnerillu killiffiat naammagineqarnerisqoq?

Akissut:

Naalackersuisut Common Core-mi pikkorissaanerit naammagisimaartorujussuaat. Paasinarsisimavoq aatsitassarsiornermut suliassaqarfimmi suliffittaarniarnermut

tungavissiilluarsimasut. Taamaalilluni pikkorissaarnerit Kalaallit Nunaanni tamani, soorlu Kalaallit Nunaata kujataani kuultisiorfimmi Nalunaq-mi, piffissami suliaraqfiusumi misissuilluni ingerlaturanut atatillugu suliffissarsinissamut periarfissiisarput. Common Core-mi pikkorissaarnerit aamma aatsitassarsiornermut suliassaqarfimmiinnaanngitsoq, kisiannili aamma uuliasiorluni misissuinerup iluani atorneqarsinnaalluartut paasinarsisimavoq. 2011-imi Cairn-ip misissuilluni qillerinerinut atatillugu kalaallit qillerinermi ikiortit arfinillit qilleriviit ilaanni atorfinitsinneqarput. Inunnut arfinilinnut taakkununga ilinniagaqarnikkut tunuliaqutaasut tassarpiaasimapput Common Core aamma Qillerummit qaqitassanik qillerinermik pikkorissarneq, tamatuma kingorna sinerissap avataani isumannaallisaanermut pikkorissarnermik tapertaqartinneqarlutik.

Aammattaaq paasinarsisimavoq Common Core-mi pikkorissarneq taamatuttaaq entreprenørinut suliassaqarfiup iluani suliffissarsinissamut tunuliaqutaasinnaasoq.

Inussiarnersumik inuulluaqqusillunga



Ove Karl Berthelsen